



Broj: 944/21  
Ilijaš, 11.05.2021 godine.

Na osnovu člana 11. Zakona o javnim preduzećima ("Sl. novine F BiH" br. 8/05, 81/08, 22/09 i 109/12), člana 20a. stav 1. i 2. Zakona o radu F BiH ("Sl. novine F BiH" br. 26/16 i 89/18), člana 3. Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala ("Sl. novine KS" br. 9/19 i 21/19), te člana 5. Pravilnika o radu JKP "Vodostan" d.o.o. Ilijaš, a na osnovu člana 33. i 37. Statuta JKP "Vodostan" d.o.o. Ilijaš i člana 1. Odluke o potrebi prijema u radni odnos br. 912/2021 od 06.05.2021. godine Direktor raspisuje:

## JAVNI OGLAS za prijem radnika u radni odnos u JKP "Vodostan" d.o.o. Ilijaš

### I PREDMET JAVNOG OGLASA

Raspisuje se javni oglas za prijem radnika u radni odnos za sljedeća radna mjesta:

1. Geodet – 1 (jedan) izvršilac na neodređeno vrijeme
2. Vodoinstalater – 3 (tri) izvršioca na neodređeno vrijeme
3. Vozač građevinskih mašina – 1 (jedan) izvršioca na neodređeno vrijeme
4. Blagajnik – 1 (jedan) izvršilac na određeno vrijeme (24 mjeseca)

### II OPIS POSLOVA

1. „**Geodet**“ -Vrši nivelisanje, iskoličenje i vođenje dokumentacije za navedene poslove do završetka objekta, priprema dokumentaciju za primopredaju objekata iz oblasti geodezije tj.izrada elaborata i dostava istih nadležnim institucijama, formiranje i vođenje GIS sistema, snimanje vodovodnih i kanalizacionih priključaka, obrada zahtjeva za izvođenje istih, obavljanje i drugih stručnih geodetskih poslova za potrebe Preduzeća, te obavljanje i drugih poslova koje mu naredi neposredni rukovodilac i/ili direktor Preduzeća.
2. „**Vodoinstalater**“ - Vrši poslove na izgradnji vodovodne i kanalizacione mreže, održavanje postojeće mreže, montažu vodovodnih instalacija, ugradnju mjernih instrumenata, ugradnju mjernih armatura u industrijskim objektima, odgovara za rad grupe sa kojom se nalazi na gradilištu, obavlja i druge poslove koje mu naredi neposredni rukovodilac. Za svoj rad odgovoran je poslovođi.
3. „**Vozač građevinskih mašina**“ - Samostalno rukuje svim vrstama građevinskih mašina, vrši samostalno sitne opravke i otklanja manje kvarove, odgovoran je za blagovremeno izvođenje radova sa građevinskim mašinama, stara se o održavanju mašina i to: vrši kontrolu ispravnosti rada motora, o čistoći, stanju goriva, ulja i maziva, vrši i druge slične poslove. Za svoj rad odgovoran je neposrednom rukovodiocu.
4. „**Blagajnik**“ - Obavljanje svih vrsta poslova vezanih za gotovinske i bezgotovinske uplate i isplate, podiže novac i polaže gotovinu na banku, čuva novac i hartije od vrijednosti, vodi evidenciju blagajničkog poslovanja, vodi internu kartoteku za putne dnevnicke, goriva i maziva, obavlja i druge poslove po nalogu neposrednog rukovodioca.

Sa izabranim kandidatima za radna mjesta 1., 2. i 3. će se zaključiti ugovor o radu na neodređeno vrijeme uz obavezni probni rad od 3 (tri) mjeseca, a sa kandidatom za radno mjesto 4. zaključit će se ugovor o radu na određeno vrijeme u trajanju od 24 mjeseca.

Izabranim kandidatima koji ne zadovolje na poslovima radnog mjesta za vrijeme obavljanja probnog rada, prestaje radni odnos sa danom isteka roka utvrđenog ugovorom o probnom radu.

Osnovna neto plaća radnog mjesta za radno mjesto pod rednim brojem 1. iznosi: 1.230,00 KM.  
Osnovna neto plaća radnog mjesta za radno mjesto za poziciju 2. iznosi: 902,00 KM.  
Osnovna neto plaća radnog mjesta za radno mjesto za poziciju 3. iznosi: 943,00 KM.  
Osnovna neto plaća radnog mjesta za radno mjesto za poziciju 4. iznosi: 943,00 KM.

Radno vrijeme: 07:30-16:00 (puno radno vrijeme)

Mjesto rada za radno mjesto pod rednim brojem 1., 2. i 3. je: RJ za izgradnju i održavanje V i K mreže ul. Bosanski put b.b., a za radno mjesto pod rednim brojem 4. je Uprava JKP "Vodostan" d.o.o. Ilijaš, ul. 126. Ilijaške brigade 60, 71 380 Ilijaš.

### III OPĆI I POSEBNI USLOVI

Kandidati koji se prijavljuju moraju ispunjavati sljedeće opće i posebne uslove:

#### a) Opći uslovi

- da je državljanin BiH
- da je stariji od 18 godina
- da je zdravstveno sposoban za vršenje poslova tog radnog mjesta (**Napomena:** dokaz o zdravstvenoj sposobnosti dužan je da u roku od 15 (petnaest) dana dostavi kandidat s kojim bude zaključen ugovor o radu nakon provedene procedure javnog oglasa)

#### b) Posebni uslovi

Za radno mjesto pod rednim brojem 1., i nazivom: "**Geodet**":

- Diplomirani inženjer geodezije ili II ciklus Bolonjskog obrazovanja sa ostvarenih 240 ECTS bodova
- 1 godina radnog iskustva
- poznavanje rada na računaru i
- položen vozački ispit B kategorije

Za radno mjesto pod rednim brojem 2., i nazivom: "**Vodoinstalater**"

- III stepen stručne spremlje vodoinstalaterskog smjera
- 1 godina radnog iskustva
- položen vozački ispit B kategorije

Za radno mjesto pod rednim brojem 3. i nazivom: "**Vozač građevinskih mašina**"

- III stepen stručne spremlje rukovaoca građevinske mašine
- 1 godina radnog iskustva

Za radno mjesto pod rednim brojem 4. i nazivom „**Blagajnik**“

- IV stepen stručne spremlje ekonomskog smjera
- poznavanje rada na računaru

### IV POTREBNA DOKUMENTACIJA

**Uz prijavu na javni oglas koja sadrži adresu, kontakt telefon i naziv radnog mjesta za koje se prijavljuju, kandidati su dužni dostaviti sljedeću dokumentaciju (originalne dokumente ili ovjerene fotokopije koje ne mogu biti starije od 3 mjeseca), i to:**

1. Biografiju-**za sva radna mjesta**
2. Uvjerenje o državljanstvu (ne starije od 6 mjeseci od dana izdavanja od strane nadležnog organa)-**za sva radna mjesta**
3. Izvod iz matične knjige rođenih-**za sva radna mjesta**
4. Diplomu o završenoj školskoj spremlje-**za sva radna mjesta**
5. Uvjerenje ili potvrda kao dokaz o radnom iskustvu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao (**NE DOSTAVLJATI:** radnu knjižicu, ugovor o radu, ugovor o djelu, odluke ili rješenja o zasnivanju i prestanku radnog odnosa)- **za radna mjesta pod rednim brojem: 1., i 2. i 3.**

6. Certifikat o poznavanju rada na računaru- **za radna mjesta pod rednim brojem: 1., i 4.**

7. Izjava kandidata kojom daje saglasnost da se njegovi lični podaci mogu obrađivati u skladu sa članom 5. Zakona o zaštiti ličnih podataka BiH ("Sl.glasnik br. 49/06, 76/11 i 89/11) a za potrebe provođenja konkursne procedure, potpisana od strane kandidata i ovjerena od strane nadležne općinske službe-**za sva radna mjesta (a koja se može naći uz tekst oglasa na službenoj stranici JKP "Vodostan" d.o.o. Ilijaš).**

Prioritet u zapošljavanju imaju kandidati korisnici prava koji po posebnom Zakonu o dopunskim pravima boraca-branitelja Bosne i Hercegovine („Sl.novine Kantona Sarajevo“, broj: 45/12 – Prečišćeni tekst, 26/14, 46/17, 18/19, 20/20 i 24/20), Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj 37/20) i posebnih zakona, ukoliko ispunjavaju opće i posebne uslove za radno mjesto na kojem se vrši zapošljavanje.

Prvenstvo pri zapošljavanju, kandidati pripadnici branilačke populacije dokazuju uvjerenjem/rješenjem nadležnog organa kojim se dokazuje status korisnika po ovoj Uredbi, a koji imaju prebivalište na području Kantona Sarajevo, i to:

R.Br.	Kategorija pripadnosti boračkoj populaciji	Naziv dokumenta	Naziv organa koji izdaje dokumentaciju
1.	Član porodice šehida/poginulog, umrlog i nestalog branioca	- Uvjerenje o statusu djeteta šehida/poginulog, umrlog i nestalog branioca - Rješenje o priznatom pravu na porodičnu invalidninu za suprugu šehida/poginulog, umrlog i nestalog branioca - Uvjerenje o učešću u Oružanim snagama za šehida/poginulog, umrlog i nestalog branioca	Nadležna Općinska služba  Grupa za pitanja evidencije iz oblasti vojne obaveze prema mjestu prebivališta
2.	Ratni vojni invalid	- Rješenje o priznatom svojstvu ratnog vojnog invalida	Nadležna Općinska služba
3.	Dobitnik ratnog priznanja i odlikovanja	- Rješenje o priznatom pravu na mjesečno novčano primanje u obliku priznanja	Nadležna Općinska služba
4.	Demobilizirani branioci	- Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) Ratnog vojnog invalida b) Dobitnika ratnog priznanja i odlikovanja c) Demobiliziranog borca	a) Uvjerenje o statusu djeteta ratnog vojnog invalida b) Uvjerenje o statusu dobitnika ratnog priznanja i odlikovanja c) Rješenje o priznatom pravu na: mjesečni novčani dodatak ili uvjerenje o učešću.	a) i b) Nadležna Općinska služba  c) Nadležna Općinska služba ili Grupa za pitanja evidencije iz oblasti vojne obaveze prema mjestu prebivališta branioca u Oružanim snagama.

## V DOSTAVA PRIJAVA

Javni oglas se objavljuje u dnevnom listu: "Oslobođenje", na službenoj stranici JKP "Vodostan" d.o.o. Ilijaš i stranici J.U. Službe za zapošljavanje KS.

Javni oglas ostaje otvoren 10 (deset) dana od dana objavljivanja u dnevnom listu "Oslobođenje".

Kandidati koji blagovremeno dostave potpune prijave i dokažu ispunjavanje općih i posebnih uslova iz javnog oglasa biti će pismeno obavješteni o terminima pismene provjere znanja te razgovora (intervjua) odnosno praktičnog ispita, koji će provesti imenovana Komisija.

Kandidat koji ne pristupi pismenoj provjeri znanja, razgovoru (intervjuu) te praktičnom ispitu (ukoliko je isti predviđen za konkretno radno mjesto), smatrati će se da je odustao od učešća u daljoj proceduri za prijem u radni odnos.

Nepotpune, neblagovremene i neuredne prijave neće se uzimati u razmatranje.

**Prijave kandidata sa dostavljenom dokumentacijom ostaju u arhivi Preduzeća, i ista se može dobiti natrag na osnovu pismenog zahtjeva kandidata za povrat dokumentacije.**

**Sve dodatne informacije o javnom oglasu možete dobiti na broj: 033/400-024 ili na e-mail: [jkp.vodostan@gmail.com](mailto:jkp.vodostan@gmail.com).**

Prijave na javni oglas, sa traženom dokumentacijom, dostaviti lično na protokol JKP "Vodostan" d.o.o. Ilijaš ili preporučeno putem pošte, na adresu: JKP "Vodostan" d.o.o. Ilijaš, ul. 126. brigade br. 60, 71 380 Ilijaš sa naznakom: "PRIJAVA NA JAVNI OGLAS (sa naznakom pozicije za koju se prijavljuje) -NE OTVARATI" .

Direktor JKP "Vodostan" d.o.o. Ilijaš



Zukić Belma, dipl.pravnik